

NAZ.

le III

J

L. NAZ.

manuele III

XXII

F

2

POLI

BIBLIOTECA NAZ.
Vittorio Emanuele III

XXII

F

92

NAPOLI

Handwritten text, possibly a signature or date, located near the top center of the page.

Legge Civile.

IVLII PACII
A BERIGA I. C.
REGII CONSILIARII,
ET IVRIS EX PRIMA
sede in illustri Valentina
Academia Professoris.

*De dominio maris Hadriatici disceptatio, inter
Sereniss. Regem Hispaniarum ob regnum
Neapolitanum, & Sereniss.
Rempubicam Venetam.*



LVGDVNI,
Sumptibus Bartholomæi Vincentij.

M. DC. XIX.

Cum Privilegio Regis.





ILLVSTRISSIMO

ET NOBILISSIMO VIRO
D. D. CLAVDIO FRERE,
Domino de Montfort , Beau-
mont , Babbieres , Pelaffol , &
Fiansaies , Christianissimi Regis
in secretioribus consiliario, & su-
premi Senatus Delphinalis Prin-
cipi, Domino & patrono suo plu-
rimum colendo.

IVL. PACIVS S. D.



*Uemadmodũ ma-
re tranquillum, &
aër serenus est, nisi
ventis turbentur &
commoveantur: ita*

principes & respublicæ pace &
quiete fruuntur, nisi illos, assenta-
tores; has demagogi, specie publici
boni suas cupiditates tegentes, ad
discordias & bella, quæ plerumque
suis auctoribus nocent, callidè im-
pellant. Tales consiliarios habuit
Salomonis filius: quorum senten-
tiam secutus, magna sui regni par-
te excidit. Tales Perseus: quibus ac-
ceptò ferendum est, quòd potentis-
simus Rex in miserrimam serui-
tutem abductus fuit; eiusmodi ho-
mines Athenas, Carthaginem,
aliasque florentissimas respublicas
pessum dederunt. Similia exempla
sunt innumerabilia, quæ referre ni-
hil attinet. In horum hodie numero
mihi videntur esse, qui maris Ha-
driatici

driatici dominium à serenissima
Repub. Veneta , penes quam ante
hominum memoriam , vel iuris
Doctōribus testibus , reperitur , ad
serenissimum Regem Neapolita-
num inanibus argumentationibus
transferre conātur. Quorum non-
nulli videntur hac ratione dignita-
tes , alij restitutionem in statum
pristinum , utrique opes & princi-
pum fauorem captare ; & in hunc
finem legibus ac rationibus abuti,
ut moueant , quod bene positum
est, aut saltem rem certam in du-
bium reuocent. Cū igitur hi sibi
licere putarint iura ad suas opinio-
nes inflectere , & veritati tenebras
offundere: multò magis mihi sacra
Themidis ferenti permittēdum est,

ut falsis interpretationibus reiectis,
fallacibus argumentis solutis, & re-
ceptissima Doctorum sententia pro-
pugnata, veritatem non è Demo-
criti puteo eruam, sed ex conspicua
doctrina, quæ secundum Impera-
torem est mundi lumen, illustrem.
Quod quidem si hoc opusculo præ-
stiti: id ipsum est, quod volui. sin
minus, fortasse alij iuris publici pe-
ritiores, aut sponte sua, aut meo
exemplo, operam hac in parte suã
reipublicæ utiliùs nauabunt. Quo-
rum gloriæ tantum abest ut sim
inuisurus, ut inde summam animi
voluptatem me percepturum pro-
fitear: facile enim cõtingere potuit,
ut meum in privato potissimum
iure versati opus materia debilita-
uerit.

uerit. Studiū certè meum, & pacis
concordiaque communis desiderium
me bonis omnis probaturum con-
fido: Tibi in primis, Protopræses
Amplissime & sapientissime: cuius
iudicium mihi instar omnium est.
Quis enim, quod Tu probes, reiice-
re audeat? Quem incorrupta inte-
gritas, acutissimum ingenium, sin-
gularis pietas, summa prudentia,
exactissima iuris cognitio, quas
virtutes & Galli & exteri omnes
in Te meritò suspiciunt & admi-
rantur; Rex autem Christianissi-
mus & probè nouit, & re ipsa in
negotiis maximè arduis est exper-
tus, ad altissimum honoris gradum
euexerunt. Hæc igitur nostra dis-
ceptatio, si minùs auctoris nomine,

*saltem materiae prestantia & di-
gnitate Tibi (ni fallor) commen-
data esse debet. Sed & auctori Tua
Dignitatis studiosissimo fortasse
dabis, ut quem tua auctoritate fo-
uisti, promouisti, ornasti; eius opus
in tutelam & patrocinium tuum
recipias. Quod ut facias, atque hoc
mea erga Te obseruantiae pignus &
monumentum esse velis, etiam at-
que etiam supplex rogo. Deus Op-
timus Maximus Te Christianis-
simo Regi, Delphinali prouincia,
totique regno Gallico quam diutis-
sime beatum ac florentem conser-
uet. Valentiae Cauarum, XII. Kal.
Februarias, Anno reparatae salutis
C12 126 XIX.*

IACOBI SANNAZARII
PATRITII NEAPOLITANI

EPIGRAMMA.

Viderat Hadriacis Venetâ Neptunus in undis
Stare urbem & toto ponere iura mari.
Nunc mihi Tarpeias, quantum vis, Iupiter, arces
Obiice, & illa tui mœnia Martis, ait.
Si pelago Tybrim præfers, urbem aspice utrâque
Illam homines dices, hanc posuisse Deos.

Sonetti in lode di VENETIA,
Tolto dal Latino di sopra scritto.

I.

POichè vide *l'Nettuno, quasi in terra,*
Fondata, star VENETIA in mezzo l'onde
De l'Adria, ch' indi piglia, non altronde,
Freno, leggi, e costumi, in pace, e in guerra.
E se 'l tempio di Giano s' apre, ò ferra,
Uscir da quelle à Dio dilette sponde,
Di giustitia e valor ricche e feconde,
Chi doma gli empi, e gl' inimici atterra:
Riuolto à Gione disse, Hor tu la fama
De la terra di Marte, & i trofei
Pregia, e loda, se vuoi, quanti' egli brama.
Non però 'l Tebro al mar preponer dei:
Le due città chiunque mira, esclama,
Quella gli huomini fer, questa gli Dei.

I I.

*L'isola sacra al figlio di Latona,
 Pria chè ferma nel mal potesse stare,
 Dal furor d'Eolo fù costretta errare
 Lungo tempo, se'l ver la fama suona:
 E la città, che vinse ogni corona,
 Volse di Marte il gran figliuol foadare
 Sopr' erii colli, assai lungi dal mare,
 Più temendo Nettuno, chè Bellona.
 Ma quella, ch' in suo seno l'Adria accolse,
 Via più d'ogni altra, che sia sotto 'l cielo,
 Stabile, in acqua i fondamenti inuolse.
 Nè mai contrario vento al caldo, ò al gelo
 Dal suo stato premier la smosse, ò tolse,
 Ceda dunque à VENETIA e Roma, e Delo.*

I I I.

*Quando à quella città gli occhi riuolgo,
 D'ogni vera virtù felice albergo,
 Che del mar siede sopra'l mobil tergo,
 Meraviglia d'ogn'un, non pur del volgo:
 D'ogni basso pensiero allhor mi sciolgo,
 Con l'ali del desir fin' al ciel m'ergo,
 Et, onde poscia mille carte vergo,
 Divini alti concetti aduno, e colgo.
 Babel si vanta di superbe mura:
 Sparta, chè tal difesa stimò vile:
 Altre città son d'altre lodi essempio.
 Il celeste favor rende sicuri
 VENETIA, cui non vedo altra simile:
 Tutte l'altre son terre: questa è un tempio.*



IVLII PACII A
BERIGA I. C. REGII
Confiliarii, & ex prima
sede in Illustri Acade-
mia Valentina Iuris Pro-
fessoris disceptatio de
dominio maris Hadria-
tici.

P A R S P R I M A.

DICTVRVS de dominio
maris Hadriatici, vt ap-
pareat quid sit de quo
quæritur, quædam ini-
tio præmunienti censeo, quibus
via

via quodammodò sternatur ad veritatem faciliùs inueniendam.

Præmitto primò cùm multa sint maria, non esse de vniuerso, nec de quocumque mari quæstionem, sed de mari Hadriatico duntaxat, quod sermone vernaculo vocatur golfo di Venetia. Sed vt omnis homonymia vitetur, obseruandum est, non vno modo accipi mare Hadriaticũ. Vt enim ait Apollonij scholiastes lib. 4. Argonaut. quoniam Hadriaticum Ionio coniungitur, interdum κατὰ μετάδοσιν τῆ ὀνόματι Ὁδριατικὸν vocatur Ionium, & vicissim Ionium appellatur Hadriaticum. Idem notat Dionysij scholiastes, & addit eos exactiùs & accuratiùs loqui, qui Ionium faciunt partem Hadriatici: quos secutus videtur Mercator in suis tabulis Ptolemaicis. E' contrario Sulpicius in 3. Luca:

tres

tres maris Ionij partes facit, Hadriaticum, Achaicum, & Epiroticum. Secundum Ptolem. lib. 3. Geograph. cap. 1. fines sinus Hadriatici sunt à flumine Tilauempto, quod ab occasu influit in hunc sinum, per Septentrionem vsque ad montem Garganum, & per Orientem à monte Gargano Hydruntem vsque: quæ vrbs hodie vocatur *Otranto*, & è regione ab altera sinus parte oppositum habet Oricum Epiri urbem, quæ hodie appellatur *Velona*. Ergo hic tractus ab vrbe Veneta Otrantû & Velonam vsque, vocatur mare Hadriaticum, vel Hadrianum, vel Hadriacum, & sinus Hadriaticus, siue Hadria, & mare superum, & ab Apollonio Saturnium, siue Chronium, hodie dicitur mare Venetum, seu *golfo di Venetia*: vt apparet ex variis descriptionibus seu tabulis geogra

graphicis, in quibus promiscuè his appellationibus, mare Hadriaticum vel sinus Hadriaticus, mare Venetū, *golfo di Venetia*, modò coniunctim, modò separatim notatur. Myritius parte 2. operis geographici, cap. 7. *Hadriatico*, inquit, *mari*, quod nunc *Venetum* vocant, olim à Romanis *superum* vocabatur. Ortelius in Synonymis Geograph. *Hadriaticus sinus*, vel *Hadriaticū mare*, hodie *golfo di Venetia*. Georg. Meru. in descriptione Piceni, *Golfo di Venetia*, olim *Hadriaticus sinus*. Boccatius de marj, *Venetum mare*, id est, quod *Hadriaticum* diximus.

Præmitto secundò dominium esse verbū homonymum: aliud enim est dominium ratione iurisdictionis & protectionis, quod Doct. vocant dominium vniuersale vel superioritatem, quale est, quod princeps habet

bet in rebus singulorum: aliud ratione proprietatis, quod dominium particulare appellant, atque hoc in rebus priuatis attribuitur singulis, non principi, secūdam communem ferè omnium & verissimam sententiam. glo. & Barto. in l. 2. C. in quib. caus. colo. cens. dom. accus. poss. Bar. in l. 1. §. per hanc. D. de rei vindic. & in 1. const. Digestorum: num. 3. & in extrau. ad reprimendum in ver. totius orbis. Odofr. in d. Constit. num 5. & in l. sancimus, C. de consul. libr. 12. Bald. in l. proprietatis. num. 1. C. de probat. Ias. in l. possideri. §. ex contrario. n. 81. D. de acquir. possess. Fulgo. in d. constit. 1. num. 7. Lucas de Penna in l. cū neque. C. de incol. libr. 10. Damhoud. in sua pract. crim. cap. 82. num. 79. & 114. put. lib. 2. decis. 323. n. 4. Martin. Lauden. in tract. de princip. quæst. 47. 88. 301. Vaco. lib. 3. declaratio.

tio. cap. 49. num. 14. Costal. in l. item
 verberatum. num. 5. D. de rei vindic.
 Peregrin. de iu. fis. lib. 1. tit. 2. num. 40.
 Petrus de Gregor. de concess. feudi,
 par. 2. q. 7. num. 22. 23. Sonsbec. de feu.
 par. 13. num. 64. Gail. de pace publ.
 c. 11. n. 4. & 5. vbi citat verba Senecæ
*sic scribenris, Ad reges potestas omnium
 pertinet, ad singulos proprietas.* Et paulò
 pòst, *Quemadmodum sub optimo rege
 omnia rex imperio possidet, singuli domi-
 nio: omnia sunt in imperio Caesaris, in pa-
 trimonio proprio.* His duabus dominij
 speciebus tertiam addit Couarru. in
 reg. peccatum. par. 2. §. 9. num. 8. in 6.
 nempe dominium locorum ad vni-
 uersitatem pertinentium iure vni-
 uersitatis. Quartam adiungit Alcia-
 tus in l. in suis. num. 21. D. de lib. &
 postum. nimirum superioritatem, qua
 ciuitates, vel fœderati promittunt
 principis alicuius maiestatem obser-
 uare,

uare, de quo citat. tex. in l. non dubito. D. de captiu. & in C. Imperialem. circa prin. & in §. illud quoque. de prohib. feud. alien. per Frideric. & in Clem. pastoralis. §. rursus. de re iudi. Sed in præsentia sermo institutus est de dominio vniuersali iurisdictionis & protectionis.

Præmitto tertio dominium iurisdictionis duplex esse, alterum directum & principale, quod ei competit, qui superiorem non recognoscit, vt Imperatori: alterum inferius, quod superiorem adgnoscentibus tribuitur. Auth. si verò. C. de hæret. Exempli causa, ciuitas Vicentina habet hanc inferiorem potestatem in pagos sibi subiectos, ad quos regendos solet Vicarios mittere. Sed in iisdem pagis, vt & in vrbe Vicen. supremum dominium habet Serenissima Respublica Veneta. Hos, qui iurisdictionem

subalternam habent, Philippus resp. 50. vocat dominos iurisdictionales, eosque veteribus putat fuisse incognitos. respon. 39. num. 1. 2. II. 26. 27. Tria igitur sunt dominiij genera: supremum, quod est principis non recognoscentis superiorem: subalternum quod est recognoscentium superiorem principem: & particulare priuatorum hominum. Vacon. à Vac. lib. 3. declarat. cap. 48. num. 12. Sed nostra quaestio de dominio principali & supremo: quia Serenissima Respu. Veneta superiorem non adgnoscit, ut posterius ostendam.

Præmitto quartò tria esse dominiij genera, quæ principi conueniunt præter superioritatem illam Alciaticam, de qua suprà I. Dominium vniuersale, de quo suprà dixi; & de eo est tex. in l. i. C. de summ. trinit. l. de precatio. D. de le. Rhod. & extrauag. ad repri

reprimendum. II. Dominium fiscale.
 III. Dominiū patrimoniale. de quibus duobus solis loquitur Imperator in l. bene à Zenone. C. de quad. præsc. ubi non dicit simpliciter omnia esse principis ut multi exponunt committentes fallaciam *παρὰ τὸ ἀπλῶς ἢ κατὰ τι*, sed limitatè ait omnia tam fiscalia quàm patrimonialia æquè principis esse. Nostra autem quæstio est de primo illo dominij genere. nemo enim umquàm dixit mare esse in alicuius principis fisco, vel patrimonio priuato.

Præmitto quintò in mari, & littoribus maris tria spectari, proprietatem, vsum, iurisdictionem. Proprietas est nullius: vsus est communis omnium hominum: iurisdictionis est principis. §. & quidem. & ibi glo. in ver. communia: & §. litorum. Instit. de rer. diuis. l. 2. & ibi. Bald. D. cod. l.

litora. & ibi glo. in verb. arbitror. D. ne quid in lo. pub. l. iniuriarum. §. si quis me. D. de iniur. Zuar. conf. 1. de vsu maris, num. 9. Peregr. de iu. fis. tit. 1. num. 17. Ac de vsu quidem, & proprietate nulla est controuersia: sed de iurisdictione quaestio est.

His pramunitis, apparet titulus quaestionis, vt scholastici loquuntur. nostra enim disceptatio est de vniuersali dominio seu iurisdictione maris Hadriatici: de quo tria in quaestionem veniunt. I. An sit Reipublicae Venetae. II. Si eius sit, quo iure ad eam pertineat. III. Qui sint huius dominij effectus. Quarum decisio vt certior sit, & ne disputatio in progressu interrumpatur, alia tria, praeter supra dicta, sunt pramunienda.

Præmitto igitur sextò Imperatorem secundum plerosque Doctores esse dominum totius orbis in tempora

poralibus, & tam maris, quàm terræ,
 dominio scilicet vniuersali, de quo
 est sermo nobis institutus, & iurisdic-
 tione, non dominio particulari.
 quosdam autem principes & ciuita-
 tes fatentur esse exemptos vel priui-
 legio, vel præscriptione, vel de facto:
 vt Reges Franciæ, Angliæ, Hispaniæ.
 ita Bart. in l. hostes. D. de captiu. & in
 l. 2. num. 2. C. in quib. caus. colo. & in
 l. 1. §. hanc actionem. num. 2. D. de rei
 vindic. & in const. 1. Digestorum. n. 3.
 & nu. 17. & in l. si duas. §. grammatica.
 num. 2. D. de excusat. & in extrauag.
 ad reprimendum. in ver. totius orbis.
 quem plurimi secuti sunt, vt Bald. in
 l. deprecatio. num. 1. D. de lege Rhod.
 in l. bene à Zenone. nu. 2. C. de qua-
 driennij præscript. Castren. in d. l.
 deprecatio. num. 6. & in l. si heredis.
 num. 3. D. de legat. 1. & in l. 1. num. 2.
 C. de sum. Trinit. Ias. in ead. l. 1. num.

22. & in l. possideri. §. ex contrario. n.
 81. C. de acquir. possess. Panormit.
 consil. 6. num. 2. Vol. 2. & in C. quæ in
 ecclesiarum numer. 11. de constit.
 Bart. Soci. in l. 1. in pr. in 1. lect. num.
 26. D. de acquir. possess. Soci. iuni. in
 ead. l. 1. num. 134. Curt. iuni. in l. 1. num.
 108. D. de iurisdic. Corset. in repet. c.
 grandi. num. 90. de suppl. negle.
 præf. in 6. Bologn. in auth. habita.
 col. 24. C. ne filius pro patre. Signor.
 de Homo d. & Ioha. Bapt. de Cauia
 lupis. in l. 1. C. de sum. trinit. & alij plu-
 res, quos referre longum esset. hanc
 enim sententiam receptissimam esse
 testatur Restaur. de Imperatore, q.
 52. relatus à Menochio in 2. respon.
 caus. Finar. num. 3. Vasquius quoque
 Illustr. controu. c. 20. communem
 dicit. tamen ultimo sic concludit,
*Ad hanc tamen tot sunt qui teneant
 contrarium, quòd mihi non satis certum
 est*

est & tra pars receptior sit, vt refert Ioh. Fichar. in addit. ad Ioha. Baptist. à Villalob. in lit. P. num. 298. Sanè eam sententiam validissimè refutat Co-uarru. in reg. peccatum. de regul. iur. in 6. par. 2. §. 9. & alij relati à Menoc. in d. respon. num. 98. & seq. & præter eos Coras. in d. d. l. 1 C. de summa trinit. in ver. quos. Nos huic posteriori sententiæ contra Bart. & eius sectatores, tamquàm verissimæ & certissimæ subscribimus, non adhibita accuratiori disputatione: cùm quia aduersarij, contra quos disputamus de dominio maris Hadriatici, idem sentiunt: tum etiam quia omnes in eo consentiunt, Rempublicam Venetam vt alias quasdam respublicas, & alios quosdam principes à potestate Imperatoris exemptos esse: quamquàm alij hoc esse dicant, quia ædificata est in mari, alij priuilegio,

alij consuetudine vel præscriptione.
 Bald. in rubr. D. de rer. diuis. num. 8.
 Mart. Laud. de priuileg. & rescr. q. 9.
 Cæpo. de scrui. rust. cap. 26. de ma-
 ri & cap. 27. de litore maris. & in l.
 cum qui vectigal. num. 2. & 16. & in
 l. seq. num. 9. D. de verb. signif. Rip.
 in l. si insulam. num. 22. D. de verbor.
 obligat. Bertach. de gabel. part. 1. q.
 6. Castrenf. in l. ex hoc iure. num. 5.
 D. de iusti. & iu. las. ibi. num. 27.
 Menoch. in d. respon. num. 63. Gá-
 briel. de acquir. rer. domin. conclus.
 3. num. 10. & 11. cum aliis, quos ibi
 allegat. Cùm autem de effectu con-
 stat, quæstio de iure omitti potest,
 exemplo Scæuolæ in l. Gallus. §. si
 eius. D. de liber. & postum.

Præmitto septimò, cùm eorum,
 qui non sunt Imperatori subiecti,
 alij nec sint, nec fuerint vñquàm
 subiecti, vt Parthi, Persæ, Poloni;
 alii

alij aliquando fuerint, sed esse desierint, vt Gallia & Hispania; inclytam Venetiarum ciuitatem in illarum numero esse, quæ numquam imperio subditæ fuerunt. Vt enim ex historiis constat, Hunnis Italiam vastantibus, Veneti, vt eorum tyrannidem vitarent in lacunas maris Adriatici secesserunt, ibique urbem felicibus auspiciis (vt euentus ostendit) condiderunt eo loci, qui ab Orientali Imperatore propter Barbarorum metum derelictus fuerat, & neque ab occidentali Imperatore vmquam fuit occupatus, nec à Barbaris illis oppressus. Ergo libera ciuitas est, non priuilegio, aut præscriptione, sed quia ædificata est in mari nullius iurisdictioni tunc temporis subiecto, secundum Bal. in d. rubr. D. de rer. diuis. quem sequuntur Aluar. in vñb. feud. tit. quis dicatur

dux, Marchio. num. 20. Ias. in l. 2. C.
 de sum. trin. num. 11. & in d. lex hoc
 iure. num. 26. D. de iust. & iu. Cæ-
 po. de mari. num. 4. Franc. Marc. in
 decis. Delphin. par. 2. q. 10. num. 11.
 Si igitur Papa, aut Imperator priui-
 legium libertatis Venetis concess-
 runt, ius Venetorum aliquo modo
 videntur confirmasse, reuera tamen
 nihil noui iuris eis tribuerunt. Et ita
 accipere oportet fœdus ictum inter
 Nicephorum Orientis, & Carolum
 Occidentis Imperatores, in quo *no-*
minatim expressum, ut Veneti inter
utrumque Imperium positi, liberi atque
immunes, & ab utroque securi uiue-
rent, ac sine molestia res suas in agro
Italico possiderent, ut scribit Sigo. lib.
4. de regno Italiae. Quatenus autem
 Domini Veneti possint consuetudi-
 ne seu præscriptione se tueri, poste-
 rius disquiram. quod enim dicam de
 iuris

iurisdictione & dominio maris Adriatici, idem de libertate Veneta dici potest. vtriusque enim eadem est ratio: & verissimè scripsit Cæpo. d.cap.de mari,num. 10. tantam iurisdictionem Venetos habere in mari, quantam in ciuitate Venetiarum: sed hac de re infra.

Vltimò præmitto quæstiones propositas, non esse decidendas iure naturali: quia hoc iure, quod est omnibus animalib. communē. l. i. §. pen. D. de iust. & iu. & Instit. de iure natur. in princ. omnia sunt communia. c. ius naturale dist. i. dominiorum autem & imperiorum distinctio iure gentium introducta est. l. ex hoc iure. D. de iust. & iure. §. ius autem gentium. Instit. de iu. natur. C. ius gentium. distinct. i. Rursus non esse decidendas ex iure ciuili Romano: quia cùm Respub. Veneta non sit Imperio Romano

mano subiecta, vt modò dictum est, certè non tenetur legibus Romanis, nisi quatenus propter earum æquitatem sponte suas eas recipit, vt easdem recipiunt Potentissimi reges Galliarum & Hispaniarum, & vt olim Romani receperunt leges Atheniensem. Lacedæmoniorum, & Rhodiorum: aliàs leges Romanæ in Venetos non valent. Item non esse decidendas ex legibus Venetis: quia etsi Veneti suis legibus viuunt. Meno. libr. 4. præscript. 18. num. 41. tamen his non possunt alias respublicas vel principes obligare, sed tantum suos subditos. Restat igitur, vt decidantur ex iure gentium, quod naturali ratione apud omnes gētes valet. §. 1. Instit. de iur. natur. & vt singulorum rerum dominia, ita etiam regna, & imperia distinxit. d. l. ex hoc iure. D. de Iust. & Iur. d. §. ius autem
gen

gentium. Inst. de iu. natur. Iure autem Romano eatenus in his quæstionibus decidendis vtendum sit, quatenus ius gentium eius pars est: si quidem ius Romanum in se naturalia & iuris gentium & iuris ciuilis præcepta continet d. l. i. §. huius studij. D. de iusti. & iu. §. vlt. Instit. eod.

His præmunitis, transgredior ad dictas quæstiones decidendas; vt appareat, an Serenissima Respub. Veneta sit domina maris Hadriatici, & quo iure, & in quantum.

Quod ad primam quæstionem attinet, omnes Doctores, qui vsque ad hæc tempora scripserunt, vno ore testantur Dominos Venetos esse huius maris dominos. Bar. in l. iniuriarum. §. si quis me. D. de iniur. Bal. in l. si plures. num. 13. C. de condit. insert. & in rubr. D. de rer. diuis. num. 4. Addit. ad Bald. in l. quædam. D. eod. Angel.

Angel. in l. vlt. D. de vsucap. & in d. l.
 iniuriarum. §. si quis me. & l. sanè. nu.
 3. D. de iniur. Castren. in l. insulæ. in 1.
 lect. num. 3. D. de iudic. Io. de Anan.
 in c. 2. de cler. venat. Io. de Plat. in l.
 vsum. ver. item per hâc. C. de aquæd.
 lib. 11. & in §. littorum. Instit. de rer.
 diuis. Cæpo. de seruit. tit. de mari, vbi
 dicit eos tantum habere iurisdictionem
 in mari quantum in ciuitate
 Venetiarum, vt suprâ retuli. & eius
 addit. in lit. a. Bertachi. in tract. de
 gabellis. par. 1. q. 6. Salic. in l. 3. C. de
 naut. fcen. Ripa in l. si insulam. num.
 22. D. de verb. oblig. Ias. in l. ex hoc
 iure. n. 27. D. de iust. & iu. Areti. in §. &
 quidè. Inst. de re. diu. Balb. de præsc.
 par. 3. 6. partis. q. 6. Feli. in c. de quarta
 col. vlt. de præscript. Marti. Laud. de
 principib. q. 123. & q. 355. Iohan. Bapti-
 sta de Caccialup. in l. 1. C. de summa
 trinit. Straccha. de nauigatio. num.

8. Schneid. in §. & quidem. instit. de rer. diuis. Peregri. de iur. fi. tit. 1. num. 18. Muscorn de iurisdic. num. 129. Hoc adeo certum est, vt Ang. conf. 220. dixerit non esse de hoc disputandum, ne disputatio veniat in derisum. Nam Imperatore & omnibus aliis scientibus neque contradicentibus hoc iure Veneti sunt vsi tempore immemoriali, vt notat idem Angel. in d. l. sanè. Quare non solum Iuriconsulti, sed etiam alij auctores hoc ius Venetis tribuunt. Sanazar. lib. 1. epigram.

„ *Viderat Hadriaticis Venetam Neptunus in vndis*

„ *Stare urbem, & tota ponere iura mari,*

Id est, mari Hadriatico, in cuius vndis dixit eam stare. Georgius Mercula Geograph. par. 2. lib. 4. cap. 36. Venetiarum urbem vocat Hadriatici

ci reginam maris. Similiter Belleforein addit. ad cosinograph. Munstericam appellat *Roine & Dame de la Mer*, Reginam & Dominam maris. *Cæpit enim rerum, quas summa laude felicitateque gesserunt Veneti, gloria ab iis, qui mare infestum habebant: quibus classe sæpe superatis, & in potestatem reductis, insulas cæperunt & nationes externas subegere, ut idem Merula dicto loco scribit. Nec nouum est, ut aliquis populus classe potens in mari imperium exercean, ut olim Rhodij teste Strabone lib. 14. quam potestatem eis Romani non inuiderunt, immo ab eis legem, quæ dicitur Rhodia, sumpserunt: idque significauit Antoninus in l. de precatio. D. de le. Rhod. ubi iubet rem diiudicari secundum legem maris, id est, legem Rhodiam. Quid ergo mirum, si Veneti, qui Rhodios in suam potestatem*

statem aliquando redegerunt, imperium in mare habeant?

Ad dictas auctoritates quidam respondent Doctores non tribuere Venetis iurisdictionem, nisi in eorū mari, quod aiunt non protendi vltra Clodiam fossam, quæ nunc appellatur *Chioggia*, & quod dicitur de mari Hadriatico, esse inuentum eorum, qui sunt subditi & Vasalli Venetorum.

Hanc responsionem esse omnino inanem ostendo multis modis. I. Plerique suprâ citati, qui expressè mentionem faciunt maris Hadriatici, non sunt imperio Veneto subditi: vt Bertachinus Firmanus, Ripa Papiensis, Schneideuius Saxo, Staccha Anconitanus, Merula Batauus, II. Cùm Doct. specialiter loquuntur de eo districtu, in quo Venetiæ & Clodia fossa sitæ sunt, vsque ad litus

maris, vocāt lacunas, ac distinguunt à mari: vt Salic. in l. 2. C. de nauti. fœno Quare valde ridicula est interpretatio, qua mare Hadriaticum accipitur pro illis lacunis solis. III. Quia verba pro subiecto argumento debent accipi. l. ex conducto. §. Papinianus. D. loca. idcirco Doctores in materia proposita pro eodem accipiunt mare & mare Hadriaticum, seu Venetum, & gulfum maris. Vnde quod aliquis de vno ex his dicit, alius eiusdem sententiam referens, alio verbo vtitur. Verbi gratia, Salicetus in l. 3. C. de naut. fœn. dicit Venetos habere deueta in mari. eius verò sententiam referens Ripa in l. si insulam. num. 22. D. de verb. oblig. dicit Venetos posse statuere super gabellis Hadriatici maris IV. Cū Bar. & alij dicunt Venetos habere iurisdictionem in eorum mari, vel in suo mari, certè perin

perinde est, ac si dicerent in mari Venetorum, seu in mari Veneto. Quæ verba si intelligerentur, vt aduersarius interpretatur, ineptissima locutio esset, & perinde valeret, ac si diceretur Venetos esse dominos eius cuius sunt domini. Verùm hi Doctores ad nomen, quo hoc mare significatur, respicientes asserunt Venetos esse dominos illius maris quod nunc Venetum, seu Venetorum & Gulfus Venetiarum, olim sinus Hadriaticus dicebatur. V. Quod Bal. in rubr. D. de rer. diui. dicit de suo mari. & Sali. in l. 3. C. de naut. fœn. de mari, Ripa eorum sententiam referens accipit de mari Hadriatico in l. insulam. num. 22. D. de verb. oblig. Eandem igitur sententiam alij de mari pronunciant, alij de mari Hadriatico, alij de gulfu maris, seu gulfu maris Hadriatici, alij de gulfu Veneto,

seu Venerorum, diuersis verbis eandem rem significantibus. Hæc dicta sint de prima quæstione: ex quibus apparet Serenissimam Rempubli-
cam Venetam esse dominam maris Hadriatici. Quod confirmatur ex eo, quòd Veneti quotannis anulo mare sibi desponsant, vt præter alios scribit Gorop, lib. 9. quoniam princeps est maritus reipublicæ, cum qua dicitur matrimonium morale contrahere. Lucas de Pen. in l. quicunque. C. de omni agro deser. lib. 11.

Sequitur altera quæstio, quo iure, & qua ratione hoc dominium sit consecuta. Doctores vulgò putant eam id præscripsisse spatio temporis, cuius initij memoria non extat, per l. vsum, & l. diligenter. iuncta. glo. C. de aquæduc. lib. 11. Angel. in l. vlt. D. de vsucap. & in l. iniuriarum. §. si. D. de iniur. Io. de Plat. in d. l. vsum. Joh. Bapt.

Bapt. de Caccialup. in l. 1. C. de sum-
 trinit. col. 1. Cæpo. de seruit. rustic.
 cap. de mari. Martin. Laudens. de
 principibus .q. 123. Addit. ad Bal. in l.
 quædam. D. de rer. diuis. Schneid. in
 §. & quidem. Instit. de rer. diuisione.
 Cum hac autem præscriptione di-
 cunt concurrere tacitam concessio-
 nem principis, & ita acquiri simul
 præscriptione & priuilegio. Angel.
 in l. sanè. D. de iniur. Iohā. de Anā. in
 c. 2. de cleric. venat. Martin. Laudens.
 de principibus q. 352. sed Bart. dicit
 acquiri consuetudine in d. l. iniuria-
 rum §. si. cum l. seq. citatur tamen à
 Schneid. in d. §. & quidem. quasi lo-
 quatur de præscriptione temporis
 immemorialis. Et Io. quoque de
 Anania videtur hæc duo pro eodem
 accipere in d. c. 2. nimirum quia licet
 hæc inter se differant secundum
 Alex. in l. more. n. 11. D. de iurisdic.

Arcti. in §. ex non scripto. numer. 7.
 Instit. de iu. natur. & in §. flumina n. 5.
 de rer. diuis. Bal. in l. de quibus. num.
 34. ff. de legib. & in l. cùm tanto. num.
 16. ex. de consuetud. Iacob. de Sancto
 Georg. in l. de quibus. num. 26. & 28.
 D. de legib. Put. lib. 2. decis. 387. Hart-
 man. de verb. signif. obseru. 5. Ri. in l.
 quò minùs. num. 39. ff. de flumin.
 Balb. de præscript. par. 1. q. 10. Couar.
 in reg. possessor malæ fidei, par. 2. §. 3.
 n. 2. de reg. iur. in 6. Graue de antiq.
 temp. par. 4. tit. 1. tamen hæc inter-
 dum confunduntur: nam consuetu-
 do accipitur quandoque pro præ-
 scriptione. Panor. in c. abbate. num. 12.
 & in c. super quibusdam. num. 9. de
 verb. sign. Conna. lib. 1. c. 10. num. 8.
 Couarru. in d. reg. possessor malæ fi-
 dei, par. 2. §. 3. num. 2. de reg. iur. in 6. &
 in consuetud. inest præscriptio. Bal.
 in l. 1. num. 28. C. de furt. quæ quidem
 est

est de essentia consuetudinis. Bal. in l. de quibus. num. 85. D. de legib. & dicitur præscribi consuetudo. Bal. ibi. num. 83. vel consuetudine. Bar. in auth. de defenf. ciu. §. iusiurandum. num. 5. Iac. de Sancto Georg. in tract. de feud. in verb. ibi fluminibus num. 2. Dicitur etiam interdum præscriptio habere adnexam cōsuetudinem. Balb. de præscript. par. 5. in p. num. 22. Denique eadem dici potest præscriptio respectu eius qui ius suum tali præscriptione amittit, & consuetudo respectu eorum qui nihil amittunt, ut ex Io. Andr. declarat. Io. Bapt. de Sancto Seuer. in repetit. l. imperium. q. 15. D. de iurisdic. Vide Pannor. in c. fi. de consuet. & Balb. de præscr. p. 1. q. 10. princip. Imperij igitur in mare acquisitio secundum Doctores referri potest ad præscriptionem respectu Imperatoris cui

aufertur, & ad consuetudinem respectu nauigantium per mare. Item ad priuilegium, quia hæc præscriptio, cum sit tanti temporis, cuius initij memoria non extat, vim habet tacitæ concessionis Cæsareæ & priuilegij. c. super quibusdam. §. præterea. de verb. signif. c. 1. de præscript. lib. 6. Cæpo. de seruit. vrba. prædior. cap. 19. num. 4. Bal in feu. in rubr. quæ sint regal. num. 3. Marh. de Afflic. super prælud. Const. Neapol. q. 3. n. 2. Ergo in summa Doctorum communissima sententia est, Illustrissimos Dominos Venetos habere imperiū maris Hadriatici, illudque præscripsisse longissimo tempore, cuius initij non est memoria: quæ præscriptio dici etiam potest consuetudo, vel diuerso respectu, vel latè sumpto præscriptionis vocabulo: & vim habet priuilegij. Non tamen valde curarūt
in

inquirere exactè verum acquisitionis modum. vnde Sal. in d. l. 3. c. de naut. fœn. dicit Venetos hoc ius habere, ex consuetudine, vel ex concessione principis. Ang. d. conf. 290. ex priuilegio & concessione Cæsarea, vel vsurpatione: vbi vsurpationē accipit pro vsu, vt in l. si stillicidij. §. 1. l. aqua. & l. aquam. D. quemad. seruit. amitt. vel pro frequenti vsu, vt in l. 2. D. de vsurp. & vsuc. Cùm enim hoc sit omnibus notum, nec solùm nauigantibus per mare Hadriaticum, sed etiam apud Maiestatem Cæsaream, vt idem Ang. cod. conf. testatur: minùs necessaria est quæstio, quo iure hoc obtineat, vt in simili tradit Scœuola in l. Gallus. §. si eius. D. de lib. & postum.

Sed vt appareat, quid in hac quæstione reuera sentiendum sit, repetendum est, quod suprà probaui, de-

cisionem sumendam esse ex iure gentium, non ex iure Romano, nisi quatenus iuris gentium præcepta in se continet. Hoc posito, dico Sereniss. Remp. Venetam esse dominam maris Hadriatici per eius occupationem. Probatum hoc fieri posse. quia mare cum sit nullius, naturali ratione, proinde iure gentium conceditur occupanti, ut cetera quæ communia dicuntur. l. 3. in pr. D. de acquir. rer. domin. §. feræ. vers. quod enim. Instit. de rer. diuis. glo. in §. & quidem. in ver. communia. Instit. eod. Probatum hoc factum esse per auctoritatem Doctorum suprâ citatorum, præsertim Angeli in l. sanè. D. de iniur. & in cons. 290. quibus locis dicit hoc esse omnibus notum. Probatum etiam ex desponsatione maris, quam Illustrissimi Domini Veneti quotannis publicè faciunt &

ante omnem memoriam fecerunt,
præsentibus nec repugnantibus di-
uerforum Principum Legatis.

Non obstat, quod Bart. & eius se-
ctatores dicunt Imperatorem esse
dominum totius Orbis : cum quia
hæc sententia non est admittenda,
& ab iis quoque, qui maris Hadria-
tici controuersiam Serenissimæ Rei-
publicæ Venetæ faciunt, reiicitur, ut
suprà notauimus : tum etiam quia licet
Imperator olim habuerit imperium
in mare Hadriaticum, tamen (ut ex
historiis patet) aduenientibus in Ita-
liam Barbaris, illud amisit, præfer-
tim Atila Italiam & regiones illi ma-
ri vicinas vastante: quo tempore Ve-
neti secesserunt in mare, ibi urbem
ædificarunt, & mare Hadriaticum
ab Imperatore Constantinopolita-
no desertum, ab Imperatore Occi-
dentali numquam possessum occu-

parunt, statim igitur eius maris dominium acquisiuerunt : quoniam sicut ea quę nullius sunt, per supra allegata; ita etiam quę pro derelictis habentur, confestim fiunt occupantis. l. i. D. pro derelicto. Non potuit igitur Serenissima Respublica dominium acquirere præscriptione, quod iam occupatione acquisierat: quia non possumus res nostras præscribere, quemadmodum non potest præscribi, quod priuilegio acquisitum est. Angel. in l. sanè. num. 3. D. de iniur. Io. de Anania in cap. 2. de cler. venat. quia dominium non potest acquiri ex pluribus causis. l. 3. §. ex plurimis. D. de acquirenda possess. & quod nostrum est, ampliùs nostrum fieri non potest. §. sed si rem. Instit. de legat.

Si tamen præscriptio spectetur, non vt modus acquirendi dominij, sed

sed tamquam exceptio, quia præscriptio ideam est quod exceptio secundum Cuiac. in rubr. D. de exceptionib. Illustrissimi Domini Veneti præscriptione temporis immemorialis uti possunt ad repellendos eos, à quibus turbantur: quia per hanc longissimam possessionem consecuti sunt, ut non teneantur titulum acquisitionis probare, l. 3. §. ductus. D. de aqua. quotid. & æstiu. & c. 1. ex. de præscript. in 6. Couarr. in reg. possessor malæ fidei par. 2. §. 3. num. 7. & §. 5. num. 2. Hæc enim præscriptio non requirit titulum, sed vim habet tituli. Crauet de antiq. temp. par. 4. §. absolutis differentiis. num. 9. Borchol. in c. vn. quæ sint regal. num. 17. & dicitur inducere titulum. Thesaur. lib. 1. q. 8. num. 11. & parere præscriptionem iuris & de iure, contra quam non admittitur probatio. Crauet dicto

dicto loco, num. 60. Peregr. lib. 1. de iu. fis. tit. 2. num. 65. cum aliis quos ibi allegant: quoniam æquipollet veritati, & pro veritate habetur. Borchol dicto loco. Arnold. in verbo præscriptio. nu. 27. post plures alios, quos allegant.

Ostendi dominium maris Adriatici pertinere ad Serenissimam Rempublicam Venetam, & quo iure ad eam pertineat: superest, ut proponam eius effectus, qui quidem sunt quinque præcipui. I. Illustrissimi Domini Veneti tenentur illud mare tutum & securum reddere, & purgare à piratis. Bal. in l. fin. C. de capt. & in §. conuenticulas. num. 7. de pac. iur. fir. Alex. in l. ne quid. de incend. rui. naufr. & conf. 88. num. 2. vol. 5. Iaco. de sancto Georg. de feud. in verbo Marchio in Italia. vers. quæritur etiam. num. 4. Zas. lib. 2. conf. 14. num.

num. 9. ii. 14. & conf. 15. num. 2. & 78.
 Vurmſ. lib. 1. tit. vlt. Obſeru. 5. Gail. lib.
 6. obſ. 64. Mynſ. cent. 5. obſeru. 70. II.
 Debent ſubditos tueri. Rip. de peſte,
 c. 1. num. 148. eorumque neceſſitati-
 bus proſpicere. Barth. Soc. in l. 7. nu.
 57. D. ſol. matrim. III. Poſſunt delin-
 quentes in eo mari capere, & puni-
 re, tamquàm delinquentes in ſuo
 territorio. Caſtr. in l. inſulæ in 1. lect.
 num. 3. D. de iudic. & in l. deprecatio
 num. 6. D. de le. Rhod. & tota die hoc
 eos facere teſtatur Pe. Gerar. ſing. 15.
 eſt enim maris territorium, vt terræ.
 Cæpo. de mari. num. 26. c. vbi pericu-
 lum. §. porrò. & vbi glo. & Docto.
 Canon. de elect. in 6. Zuar. conf. 1. de
 uſu maris, num. 1. Doberci. in verbo
 mare. Arnold. in ver. territorium. n. 2.
 Petr. Gerar. d. ſing. 15. licèt quidam
 inter hæc diſtinguant, & propriè ter-
 ritorium in terra, diſtrictum in mari,
 dice

diocesim in ecclesiasticis dici velint. Bal. in rubr. quæ sunt regal. Iac. de Belu. in c. Romana. §. contrahentes. num. 4. de fo. compet. Sed utcumque vocetur, nihil interest, cum idē sit effectus; quia leges rebus, non verbis imponuntur. l. 2. in fi. C. commu. de legat. IV. Possunt alios illac nauigare volentes prohibere ne ibi nauigent. l. sanè. D. de iniur. vbi est casus secundum Raym. de Fortiu. qui ponit exemplum in gulfo Venetorum, ut refert & cum sequitur Ias. in l. quominus. num. 41. D. de flumin. Ang. conf. 290. Ioan. de Anan. in cap. 2. de cler. venat. Feli. in c. de quarta. num. 41. vers. demum circa prædicta. de præscript. Ias. in l. ex hoc iure. num. 27. D. de iustit. & iure. Balb. in tract. de præscrip. tertia parte quintæ partis. q. 6. num. 6. Straccha de nauigat. n. 8. V. Possunt nauigantibus vectigalia,

lia, gabellas, & collectas imponere & augere, & contrà facientes punire. Bal. in rub. D. de rer. diuis. nu. 5. Salic. in l. 3. C. de naut. fœno. & latè Bertach. in tractatu de gabellis. par. 1. q. 6. num. 19. & 20. Angel. in l. sanè. nu. 3. D. de iniur. & conf. 290. Ripa in l. si insulam num. 22. D. de verb. oblig. Cœpo. de seruit. rustic. præd. c. 26. de mari. num. 10. Schn. in §. & quidem. Instit. de rer. diuis. Peregr. de iu. fis. tit. 1. num. 18. Martin. Laud. de principibus. q. 352. Io. de Ana. in c. 2. de cleric. venat.

His ita comprobatis, operæ pretium est, priusquàm manum de tabula tollamus, eorum obiectionibus satisfacere, qui nuper, existimantes se Potentissimo Regi Catholico, aut saltem Proregi Neapolitano gratificari, aduersus veteres auctores contrariam nostræ sententiam tuentur,

nec verentur cum Angelo, ne eorum
disputatio in derisum abeat. Hi sunt
Io. Baptista Valenzuela Velasquez
conf. 100.n.55. & Anonymus quidam
in discursu Italicè scripto, non edito.
vtrique igitur respondebimus.

Opponit primò Velasquez, quòd
ex Doctorum sententia Dominus
territorij mari coherentis, habet iurisdictionem in mari proximo vsque
ad centum miliaria, adeo ut mare sit
eiusdem iurisdictionis, cuius est ter-
ritorium adiacens: vnde colligitur
iurisdictionis regis Neapolitani in par-
te maris Hadriatici.

Respondeo primò hanc senten-
tiam de centum miliaribus facile
posse refutari, si quis in veritatem
seuerè inquirere, & κατ' ἀλήθειαν, &
καὶ δόξαν. disputare velit. sicut enim
non est omnium ciuitatum eadem
magnitudo, sed aliæ dicuntur mino-
res,

res, aliæ maiores, aliæ maximæ. l. 6. §. est autem. D. de excusat. ita aliæ maius, aliæ minus territorium habent, vt omnibus notum est : & quædam magnę ciuitates, exiguum habēt territorium, vt Norimberga, Argentina, Geneua. Quòd si vrbs Roma cētum miliarium territorium habet. l. 1. §. initio. D. de offic. præf. vrb. non propterea necesse est, vt aliæ quoque ciuitates tantumdem habeant. Et si ita est in terra, cur non similiter in mari ? Respondeo secundò, quod Doctores dicunt de centum miliaribus in mari, intelligendum esse de mari à nullo principe specialiter occupato, & in his terminis loquitur Bart. in tract. de insula. in ver. nullius, quem alij secuti sunt, & apertius Cœpo. d. cap. de mari, num. 11. iam autem ostēdimus Serenissimam Rempublicam Venetam occupasse totum

mare Hadriaticum , in quo tantam iurisdictionem habet , quantam in ciuitate Venetiarum , vt ibid. notat Cæpo. num. 10. Respondeo tertio, sicut dominium particulare, quod habent priuati in rebus suis , non obstat , quò minùs princeps habeat in eisdem rebus dominium vniuersale, vt probatum suprà fuit: ita si concedatur ciuitates mari proximas, habere in eo mari dominium : hoc erit dominium in specie , non obstand quò minùs Serenissima Respublica Veneta in eodem habeat dominium in genere, quod est dominium superius. ita Bal. in l. pen. num. 13. C. de cōdit. insert. Bertachi. de gabellis, par. 1. quæst. 6. num. 20. Add. ad Cæpo. de mari in lit. A. Siue igitur legum veritatem , siue Doctorum auctoritatem spectemus , dominium Venetū in mari Veneto inconcussum manet.

Oppo

Opponit secundò, quòd mare iure naturali est omnium commune. §. 1. Instit. de rer. diuis. l. 2. D. eod. ergo nauigatio libera omnibus esse debet. Respòdeo primò litora quoque esse communia, sicut mare. dictis iuribus. Quemadmodum igitur communio litorum restringitur ad populum à quo occupata sunt. l. 3. §. litora. D. ne quid in lo. publi. ita etiam communio maris: adeo vt per mare à nemine occupatum nauigatio sit omnino libera: per mare autem occupatum ab aliquo principe (hoc verbo etiam reipublicas completor) II. liberam habeant nauigationem, qui sunt illi principi subiecti: alij verò eatenus habeant, quatenus idem princeps eis permittit. Respondeo secundò libertatem nauigandi non tollere ius exigendi vestigalia & gabellas. sicut enim in ter-

ra liberum est ire, & merces deferre per vias publicas, & per flumina publica, salvo iure vectigalium, quæ principi debentur, ut loca tuta & secura conseruet: ita etiam in mari res habet.

Opponit tertio auctoritatem Franc. Marci. quæst. Delphin. 110. n. 11. par. 2. dicentis, quod licet Veneti, quia ædificarunt in mari, prætendant se esse in libertate, non tamen ex eo debet ab eis, aliis impediri nautigatio, statio, & portus. Respondeo primo, quod si Marcus hoc diceret, eius auctoritas plurimum & maioris famæ Iure consultorum suprâ citatorum cederet. Respondeo secundo verba Marci in hac oppositione malè accipi. Nam reuera contra Venetos nihil dicit. Quod ut liquidò appareat, notetur Marcum primò ponere hanc thesim, quod *licitum est ædificare in mari,*

*mari, vel litore: & efficitur incontinenti
suum, ex quo pilas iactavit. l. ergo. §. fi. D.
de acquir. rer. dom. nec requiritur perfectio
operis. l. 2. §. aduersus. D. ne quid in lo.
publi. Inde infert conclusionem. Et
ideo Veneti edificauerunt in mari, quod
est iuris gentium, & se prætendunt in liber-
tate. Postea eidem thesi adiungit
limitationem, dum tamen non impe-
diatur nauigatio, statio, portus, quæ ver-
ba sunt referenda ad thesim, non ad
corollarium. Hæc nostra interpreta-
tio probatur primò, quia Marcus nō
dicit, non impediatur ab eis, id est, à Ve-
netis, vt fingitur in dicta oppositio-
ne; sed simpliciter, non impediatur.
Probatur secundò, quia scopus Mar-
ci in tota illa quæstione est loqui de
flumine, mari &c. generaliter, non
specialiter de Venetis, de quibus o-
biter & paucis collegit dictū corol-
larium. Probatur tertio, quia ista vl-*

tima clausula optimè coheret thesi,
 & nullo modo potest referri ad di-
 ctum corollarium. Nam hæc locu-
 tio commodissima est. Licitum est
 ædificare in mari vel littore, & effi-
 citur incontinenti suum, dum ta-
 men non impediatur nauigatio, sta-
 tio, portus. hæc autem locutio ferri
 non potest, Veneti ædificauerunt in
 mari, & se prætendunt in libertate,
 dum tamen non impediatur nauig-
 atio, &c. Quid enim? si impediatur
 nauigatio, Veneti non ædificauerunt in
 mari, aut se non prætendunt in liber-
 tate? Probatur quartò, quia Marcus
 hæc non dicit ex se, sed sumit ex Cæ-
 po. t. de mari. Nā ab illis verbis eiusd.
 quæst. 10. *Item Cæpo. in tracta. de seruit.
 præd. iustic.* vsque ad finem quæstio-
 nis. tantum refert doctrinam Cæpo-
 læ, penè iisdem verbis, sed compen-
 diosè, nempe quæ habentur apud
 Cæpo.

Cæpo. titulis de montibus, de collibus, de valle, de aqua, de mari, de litore, de portu, de lacu, de fluminibus, de flumine priuato, de insula, de alueo. Quoniam igitur verba Doctorum debent intelligi secundum ea quæ allegant. Bar. in l. non solùm. §. liberationis. num. 7. D. de liberat. cum aliis ibi citatis in add. Dom. Sal. in l. si ex cautione. num. 18. C. de non. num. pecun. Ias. in l. . num. 2. D. de Iurisdic. idem voluit dicere Marcus, quod Cæpola. atqui Cæpola hoc non dixit de Venetis, vt perspicue liquet ex lectione d. c. de mari. ergo neque Marcus hoc de eis dicere voluit: & verbum *ab eis*, perperam & contra mentem auctoris adiectum est à Valenzuela in dicta oppositione; quia sicut Cæpola non respexit ad Doctores Venetos, sed ad priuatos homines ædificantes in mari, ita

etiam Marcus Cæpolæ sententiam referens.

Opponit quartò auctoritatem Angeli in l. prætor ait. §. prætor. num. 2. D. ne quid in loco publ. vbi dicit Venetos, Ianuenses, & Pisanos non posse imponere vectigalia nauigantibus per eorum maria. Sed notandum est, Angelum non simpliciter hoc dicere, vt citatur à Velasquez, sed adiecta hac limitatione, *inconsulto principe*. Respondeo igitur primò Ange. loqui de iure ciuili, cui Venetos non esse subditos suprà notauim. Respondeo secundò eum niti legibus, quibus derogatum est obseruantia communi totius mundi, secundum Bald. in rubr. D. de rer. diuis. col. 2. quem sequitur Cæpo. d. c. de mari. nu. 10. immo etiam ipse Ange. cons. 290. Respondeo tertio cum Bal. & Cæpo. dictis locis, consuetudinem
tem

temporis immemorialis, quam esse pro Venetis suprà probavi, habere vim concessionis factæ à principe. Respondeo quartò dictam sententiam Angeli in iis veram esse, qui recognoscunt superiorem, non in iis qui nullum recognoscunt. Franc. Marc. q. 39. par. 2. quem refert & sequitur T epa. tit. 48. cap. 3. Adde Salic. in l. vectigalia num. 3. C. no. vectig. inst. non pos. Ri. in l. si insulam num. 22. D. de verb. oblig. In quorum numero Venetos esse suprà probavi.

Opponit quintò, reges Neapolitanos sæpe classem traduxisse per mare Hadriaticum sine Venetorum consensu: ideóque Venetorum possessionem fuisse interruptam, consequenter non fuisse ab eis mare præscriptum. Respondeo primò, auctores, quos allegat, nihil dicere in præiudicium dictæ præscriptionis. Respon

spondeo secundo Serenissimam Rē-
publicam Venetam non præscri-
ptione aut consuetudine, sed occu-
patione acquisiuisse dominium ma-
ris Hadriatici. Respondeo tertio
continuum Venetorum possessionē
firmissimè probari à Chizzola, cuius
probationes referuntur à Minuccio
Archiepiscopo Iaderensi in supple-
mento historiæ Vscochorum, pag.
29.& seqq.

Opponit sexto Bononienses, Ra-
uennates, & Ancōnitānos, Venetis
contradixisse, adeo vt non semel
fuerit inter eos aperto Marte pugna-
tum. Respondeo nihil mirum, quòd
aliæ Respublicæ magnitudini Vene-
tæ inuidentes bellum mouerint: sed
nihilominus Dominos Venetos ius
suum armis retinuisse: quia vim vi
repellere licet. l. vt vim. D. de iustit. &
iu. Cur non addit Velasquez Ge-
nuen

nuenfes? An quia cum Venetis trans-
egerunt, & liberam maris Hadriati-
ci possessionem eis reliquerunt? Sed
idem fecisse Anconitanos testatur
Straëcha Iurisconsultus Anconita-
nus in tracta. de nauigatione. num. 8.
Iam verò cùm Serenissima Respu-
blica Veneta in ciuitatibus, quæ in-
continenti sitæ sunt, vt Patauio, Vi-
cetia, Verona, de quibus non solùm
passa est bellum, sed etiam eas ali-
quando amisit, nihilominùs domi-
nium sine controuersia obtineat,
quoniam eas recuperauit: quantò
magis hoc dicendum est de iurisdic-
tione maritima, quam numquàm
amisit, sed ius suum armis conserva-
uit, & bello aggredientes, fortiter
repulit?

Opponit septimò, quòd Dux
Ossunæ, Neapolis Prorex naues &
triemes optimè instructas misit in
mare

mare Hadriaticum anno 1617. quibus de Veneta classe victoriam reportauit: atque hanc prætensam victoriam Thraſonicè (nolo dicere Hispanicè) amplificat verbis ſesquipedalibus. Reſpōdeo primò, quamuis hoc concederetur, tamen ἡ δὲ ἐν πρὸς ἔστω. Romani à Carthaginenſibus ſæpe prælio ſuperati, non ſolùm dominium ſuum retinuerunt, ſed etiam Carthaginem euerterunt. tam multa eiufmodi exempla apud hiſtoricos extant, vt parum prudens ſit, qui ob aliquam maximam victoriam, ne dum ob exiguam, qualis eſt, quæ à Velasquez refertur, ſuperbè & insolenter, humanæ conditionis immemor ſe gerit. Reſpondeo ſecundò, hæc tam facilè à nobis negari, quàm temerè ab aduerſario ſine vlla probatione proponuntur. Denique contrarium verius eſſe, & claſſem

Hiſpa

Hispanicam fuga sibi consuluisse constat ex epistola Capitanei Alphonsi Italicè scripta, & edita, 27. Nouembris 1617. Hactenus ad obiectiones Io. Baptistæ sit responsum.

Venio ad Anonymi tractatum, quem discursum vocat de libertate maris Hadriatici. Titulus & operis conclusio ostendunt eum velle ostendere hoc mare liberum esse. Quod ego facile concesserim. Sicut enim ædes dicuntur liberæ, quæ alijs quàm domino suo non seruiunt; seruæ autem, quæ extraneo seruiunt. l. 5. D. si ususfruct. petet. l. si quis duas. §. si in venditione. l. quicquid. D. commu. præd. l. altiùs. C. de seruit. cum sim. ita mare liberum est, si solis Venetis seruit, in quorum dominio esse suprà ostendi: seruum autem esset, si qui alij Dominis Venetis inuitis per illud nauigare possunt. Sed videamus, quibus

quibus rationibus conetur Anonymus iura Serenissimæ Reipublicæ euertere.

Initiò ponit hoc fundamentum, duobus modis iurisdictiones acquiri, & imponi seruitutes: titulo concessio ab eo qui concedendi ius habet, & longa nō interrupta possessio: ne: vt deinceps ostendat neutro modo Venetos acquisiuisse iurisdictionem in mari Hadriatico. nam totus eius Asiaticus discursus in summa in hoc argumento vertitur.

Circa hoc fundamentum noto primò non esse hos duos modos dumtaxat. nam alij ponunt quatuor modos & dicunt iurisdictionem acquiri lege, consuetudine, principis concessione & legitima præscriptione. Pract. Papiens. tit. 30. glo. 7. num. 8. Rota de offic. ordinat. decis. 4. num. 2. in nouis. Nos autem ostendimus iurisdictioni

risdictionem in mari Hadriatico
 Illustrissimis Dominis Venetis com-
 petere occupatione, proinde lege, id
 est iure gentium, non cōcessione, nec
 longo usu. Dicto igitur fundamento
 destructo, totus ferè discursus cor-
 ruit: & frustra laborat Anonymus in
 eo probando, quod nos concedi-
 mus, neutro ex illis duobus modis,
 quos proposuit, Serenissimam Rem-
 publicam Venetam acquisivisse do-
 minium maris Hadriatici. Quædam
 tamen quasi per transfennam in eo
 discursu notemus. Ait, cùm duæ sint
 potestates Pontificia & Imperialis
 seu Regia, (id est, ecclesiastica &
 Politica) neutram posse mutare le-
 gem diuinam, aut naturalem. Hoc
 verum est, sed nostræ sententiæ su-
 præ firmatæ non repugnat, quia di-
 stinctio dominiorum non est con-
 tra, sed præter ius naturale, si intelli-

gatur ius naturale, quod est commune omnibus animalibus. Quòd si intelligatur ius gentium, vt in §. singulorum Instit. de rer. diuis. hæc distinctio & occupatio dominiorum sine dubio est secundum ius naturale. l. ex hoc iure. D. de iustit. & iu. §. ius autem gentium Instit. de iu. natur.

Addit neutram potestatem posse subditis adimere dominium rerum particularium. Hoc quoque verum est, sed ad rem non facit, cum quaestio non sit de dominio particulari, sed de vniuersali vt exposui in secunda præmuntione.

Subiicit, si mare lege naturæ est commune quod ad proprietatem, vt dicunt plures textus, inde colligi quòd ei legem imponere, terminos præscribere, vni dare, & alios priuare, nulli potestati ecclesiasticæ aut seculari permissum est. Falsò sumit
mare

mare esse commune quod ad proprietatem, nec ullus textus hoc dicit: immo textus dicunt usum maris esse communem, proprietatem nullius. l. 3. §. 1. D. ne quid in lo. pub. §. litorum. Instit. de rer. diuis. & eleganter Bal. in l. quædam. D. de rer. diuis. ait mare esse commune quod ad usum, proprietatem verò nullius, sed iurisdictione esse principis, de qua iurisdictione in præsentia agitur, non de proprietate, vt suprà monui. Verum tamen est, proprietatem concedi occupanti. l. in tantum. D. de rer. diuis. l. fanè. D. de iniur. quia quod nullius est, occupanti conceditur, vt suprà notauì: & mare distinguitur ac restringitur, sicut terra. Bal. in l. beneficium. n. 7. D. de constit. principum.

Subiungit ciuitates maritimas habere iurisdictionem in mari vicino. Ad quod argumētum suprà respōdi:

respondi: quoniam eodem usus est Valenzuela. Hic tantum noto. Anonymum sibi contradicere: quia dum iurisdictionem tribuit ciuitatibus, ita ut quælibet dominium habeat in mari proximo, terminos maris constituit, quod tamquam iuri naturali contrarium dixerat à nulla ecclesiastica aut seculari potestate fieri posse.

Addit ex Aristotele in politicis mare ciuitatibus maritimis esse territorium, unde sumunt alimenta & auxilia. Sed quemadmodum in terra, ita etiam in mari quælibet ciuitas tantum possidet, quantum occupare, regere, ac tueri potuit. & ut in singulis personis, ita etiam in ciuitatibus & in Principibus obtinet, ut non ad æqualitatem arithmeticam redigatur, nec ad necessitatis normam, sed alij plus, alij minus obtineant, etiam quam sibi necessarium videatur.

Vnde

Vnde aliæ ciuitates ab aliis iure cō-
mercij accipiunt, quæ sibi defunt, vt
obtinet etiam in priuatis homini-
bus, nisi aut Lycurgi legem, aut Ana-
baptistarum hæresim (quod absit)
amplecti velimus.

Post hæc probare nititur sum-
mum Pontificem hoc ius Venetis
nec dedisse, nec dare potuisse. Quod
quia nostræ sententiæ non aduersa-
tur, consultò prætermitto.

Deinde vt idem probet de Impe-
ratore, infirmat communem Docto-
rum opinionem, & asserit Imperato-
rem nec esse, nec vñquam fuisse to-
tius orbis dominum: & neque Impe-
ratorem Orientalē, nec Occidenta-
lem possedisse hoc mare, proinde nō
potuisse illud Venetis concedere.
Nos idem sentimus, ac suprà dixi-
mus hoc mare, quod nec Orientalis
Imperator aduersus Barbaros tueri

potuit, nec Occidentalis unquam possedit, rectè fuisse ab Illustrissimis Dominis Venetis occupatum, & in suam potestatem redactum.

Post hæc vult Anonymus probare Illustrissimos Dominos Venetos non potuisse mare præscriptione seu consuetudine acquirere, vel seruitutem mari imponere ne alius armatus possit ibi versari. Nos, quid de consuetudine vel præscriptione sentiendum sit, suprà exposuimus. Seruitus autem dici non potest, ut suprà notavi, nisi valdè impropriè: quia nemini res sua seruit. l. in re D. de seruit. præd. urban. l. sicut. §. pen. D. si seru. vindic. l. 5. D. si vsusfr. petet. Serenissima autē Respublica Veneta vniuersale dominium habet in mari Hadriatico: proinde non iure seruitutis, sed iure dominij potest alios excludere. Sed videamus quomodò probet Venetos non potuisse

tuisse præscribere. Lege, inquit, naturali mare quoad commercium, est commune omnibus proprietate nullius est: nulla autem potestas potest aliquid concedere in præiudicium legum naturalium. quoniam igitur præscriptio est figura tituli, cum non possit potestas in mari Hadriatico acquiri concessione & priuilegio, similiter non poterit acquiri præscriptione aut consuetudine. In his verbis noto primò hunc auctorem sibi contradicere: quoniam suprà dixerat mare esse commune omnium quoad proprietatem, nunc verò ait esse commune ratione commercij, proprietatem autem esse nullius. Noto secūdò eum malè ex dicta maris communione colligere potestatem in mari esse contra ius naturale: cum quia communio est vsus, potestas verò est dominij vniuersalis: tum etiam quia

terra quoque ab initio communis fuit omnibus, ut nunc est apud quosdam barbaros; non ideo tamen iurisdicção singulorum Principum est contra, sed potius præter ius naturale, ut supra ostendi. Hoc igitur fundamento sublato totum Anonymi argumentum corrui.

Piget in his immorari, quæ hic auctor scribit, ut probet, quod nos libenter concedimus, Dominis Veneris non competere seruitutem in mari Hadriatico: quædam tamen in eius verbis notari possunt. Ait Venetos per longum tempus à tempore dictæ cōcessionis per aliquot cetera miliaria non habuisse ciuitatē regno Neapolitano proximam, proinde nec territorium, consequenter non potuisse acquirere seruitutem in mari, quod regnum illud alluit. Nos dicimus nullam concessionem & nullam seruitu

uitutem prætendi , quasi in mari alieno. De Venetorum autem imperio audiat Anonymus , quod scribit Iouius lib. i. ne plures historicos cumulem. *Paruere* , inquit , *eis ab initio, quo tempore maximè classibus valebant,* Istri, Liburni, Dalmatiæ atque Illyrici ora , multæ item nobiles Græciæ vrbes cum Eubœa Cretaque insulis, &c. Vnde apparet eos debuisse ac facile potuisse mare Hadriaticum in suam ditionem recipere.

Ait neminẽ posse sibi ipsi præscribere, veluti ne transeat per locum, in quo dominium habet : vnde infert regem Neapolitanum non potuisse sibi adimere libertatem armata classe nauigandi per mare suæ iurisdictionis. In his verbis falsò supponit maris Hadriatici iurisdictionem pertinere ad regem Neapolitanum. Neapolis ad mare Tyrrhemum sita

est , imperiumque suum producit
vsque ad mare Hadriaticum exclu-
siuè, non inclusiuè.

Ait conseruandam esse auctori-
tatem domini, qui potest locum ser-
uitutis mutare , & alio loco , vbi mi-
nus damni sentiat, constituere: idque
ait Celsus dicere in l. si cui. D. de
seruitut. Verùm Celsus nihil minùs
ibi dicit, quàm hoc. non enim loquitur
de domino fundi seruiantis , sed
de eo, cui via legata est; & inquit eum
posse ire quà velit, dummodò ciuili-
ter eat, non cum magno seruiantis
incommodo , si æquè commodè
possit per aliam partem ire cum mi-
nore seruiantis incommodo: non ta-
men posse , cùm semel locum elege-
rit, eum postea mutare.

Ait neminem esse , qui ignoret
seruitutem non acquiri precibus,
aut amicitia , sed actu imperioso
vten

vtendi iure suo. idque ait dicere legislatorem in l. i. D. de itin. actu. priu. Atqui è contrario legislator ibi reprobatur violentam possessionem, sicut clandestinam, & præcariam. Cùm autem constet seruitutes tam in testamento, quàm pactionibus & stipulationibus constitui posse. §. ult. Instit. de seruit. certum est, precibus & amicitia in seruitutibus constituendis locum esse.

Ait reges Neapolitanos sæpe classem duxisse per mare Hadriaticum pro libitu & ibi iurisdictionem exercuisse. Idem dixit Velasquez: & ad id suprà respondi.

Ait Peregrinum lib. 1. de iur. fis. n. 18. & 22. hoc comprobare. Sed æquè falsum est, Peregrinum hoc dicere; ac falsum est, quod Anonymus statim subiicit, Generalem Ziani celeriter rediisse Venetias, relinquentem
mare

mare suo vero domino.

Deinde ait dominum seu magistratum ciuitatum maritimarum ita debere punire fures terrestres, vt Pyratas maris: hanc iurisdictionem Imperatorem (fortasse Iurisconsultum dicere voluit, respiciens ad l. imperium. D. de iurisdic.) appellare gladij potestatem: rem autem esse monstruosam, si res Neapolitanus manu inermi potestatem sanguinis & gladij exercere, & in suo territorio delinquentes sine armis punire debeat. Nos arma concedimus regi Neapolitano in suo territorio, denegamus in alieno, vt Veneto, proinde denegamus in mari Hadriatico. Ad id, quod ait de ciuitatibus maritimis, sufficienter, responsum suprà fuit.

Postea opponit dictum Vlpiani in l. venditor. D. commun. prædior.
Mari quod natura omnibus patet serui-

ius imponi priuata lege non potest : Hinc concludit Venetos non posse priuata lege contra naturæ ordines imponere seruitutem mari Regis Hispaniarum & aliorum regnorum. Respondeo primò legem priuatam esse pactum contractui adiectum à priuatis personis contrahentibus, & ita accipi legis vocabulum in d.l. venditor, vbi significat pactum venditioni adiectum, & in l. legem C. de pact. & aliis locis. Principem autem posse imponere seruitutem mari nulla lex negat, & glo. & Fulgos. in d. l. venditor. & Cæpo. de seruit. præd. rustic. c. 26. de mari, num. 1. disertis verbis affirmant. Nihil igitur vetat, quominus Serenissima Respublica Veneta seruitutem imponat mari, quam suprà ostendi nullum adgnosce superiorem. Nihil verò ad rem facit, quòd Rex Catholicus sit Rex Hispaniarum,

niarum, & aliorum regnorum; nisi ostendatur mare Hadriaticum sub aliquo illorum regnorum contineri.

Posthæc Anonymus tamquàm in excessu, vt folia impleat qualicumque scriptura, narrationem quandam Thraſonicam inserit in detractionem Dominij Veneti, laudem Neapolitanæ ciuitatis, & admirationem Regis Catholici. Sed hæc magis militi glorioso, quàm iuris Doctori conueniunt; quæ nihil ad propositam quæstionem decidendam conferunt. Bis tamen fatetur mare Hadriaticum esse remotum à metropoli regni Neapolitani, & à portu regie classis, càmque propterea non ita frequenter mitti solitam in illud mare, vt in proximum Tyrrhenum. Supponit autem iurisdictionem in mari Hadriatico esse regis Catholici, & ait tyrannicum esse, vt Veneti

co inuito mare illud tueantur. Ad-
 dítque Hispaniæ Regem debere
 etiam Papam, Regem Boæmiæ, Ra-
 gusæorum Rempublicam, & ducem
 Urbinatem protegere ac tueri classe
 in Hadriaticum missa. Hæc sunt par-
 tim αἰτούμενα τὸ ἐν ἀρχῇ, partim inania
 crepitacula, & qualia sunt puerorum
 aut auium terriculamenta. Sed heus
 tu, Anonymé, qui omnium præter
 quàm Venetorum protectionem su-
 mis: aut illi principes tueri se ipsi pos-
 sunt, aut non possunt. Si dicas posse,
 intellige eos non egere protectione
 Hispanica. Si neges posse, memineris
 te antea dixisse mare Hadriaticum
 esse remotum à portu & classe Nea-
 politana, ac reges Neapolitanos in-
 termisisse classis missionem in illud
 mare. Vides igitur opus fuisse, vt Se-
 renissima Respublica Veneta illius
 maris protectionem susciperet.

Post

Post hanc digressionem, videamus, inquit, an saltem præscriptione seu consuetudine ius aliquod habeant. Hoc est, quod primo loco ostendendum paulò antè proposuit, & initiò quoque idem proposuerat. Quare ter hoc proponit, sed nullibi exequitur: quamquam præcipuè debuit hoc probare. Dicerem esse *μνημονικὸν ἀμάρτιμα*, nisi iterum hoc loco repeteret: nam hoc relicto, ad aliud caput transit, & ait Doctores, qui Venetis in mari iurisdictionem tribuunt, loqui de lacunis, quæ sunt citra litus maris Hadriatici, non de ipso mari Hadriatico: ideoque vocare mare eorum, vel mare suum. Quâ responsionem quia suprà refutaui, & ostendi quid per mare eorum vel mare suum Doctores intelligant; nō est, cur in re tam perspicuâ diutiùs immorer. Qualis enim est hæc inter-

pre

prætatior Veneti præscripserunt dominium maris Hadriatici, vt multi Doctores loquuntur: ergo non præscripserunt nisi lacunas Clodiam fossam vsque: intra littora maris Hadriatici. Hoc nomen, inquit, Hadriatici legere nescio nisi in Cæpola eorum vasallo quòd hæc iurisdicção perueniat Corcyram vsque, quæ tunc illorum non erat: nemo hoc dicit, adeo vt hic terminus & hic finis Hadriatici sit inuentum Hipoplatarij & Guerini Pisonis eorum vasalli. Hæc Anonymi verba sunt inuoluta, & ambigua. Si dicit se non legisse nomen maris Hadriatici tamquam à Venetis præscripti: Ego verò legi, & multa loca suprà citavi. Si dicit se non legisse illius maris fines Corcyram vsque: sciat omnes Geographos ita protendere mare Hadriaticum, neminem ad lacunas illud restringe-

re : & si non ex auctoribus saltem ex descriptionibus & tabulis geographicis , quæ vulgò prostant, hoc discat. Ego ex Ptolemæo geographorum principe suprâ confirmaui fines huius maris. Videantur omnes antiquæ & nouę tabulæ: in omnibus mare Hadriaticum seu gulfus Venetus eò peruenit.

Addit Doctores æquiparare iurisdictionem Venetorum & Genuensium. Nos facilè cōcedimus eādem iurisdictionem Genuenses habuisse in mari Ligustico, ac Venetos in Hadriatico : idcirco æquè potuisse à Genuēsibus arceri Venetos à Ligustico , vt à Venetis Genuenses ab Hadriatico : nisi aliter inter se conuenissent, vt refert Ange. in d. consil. 290. Sed utrū Genuenses, qui nunc videntur pendere à nutu Regis Hispaniæ, hanc iurisdictionem retinuerint,

rint, an amiserint, dicere non aulim,
 & nihil ad quæſtionem propoſitam
 pertinet. Scimus enim dominia &
 imperia sæpe mutari, & ab aliis ad a-
 lios transferri; quia nihil eſt ſtabile
 inter homines, & ita immobile, vt
 nullam patiatur mutationem, cùm
 omnis noſter ſtatus ſub perpetuo
 motu conſiſtat, vt inquit Imperator
 No.7.cap.2.

Poſt hæc Anonymus expendit
 quosdam iuris contextus, vt oſten-
 dat iis non confirmari præſcriptionem
 maris. Et quamvis noſter labor
 hîc videri poſſit ſuperuacaneus, cùm
 nos non dicamus præſcriptione ac-
 quiſitû Dominis Venetis mare Ha-
 driaticum; tamen diſpiciamus, an
 hos textus Anonymus rectè inter-
 pretetur, & ad eos rectè reſpondeat.

Citat l. ſanè. D. de iniur. vbi dici-
 tur, *Si maris aliquod ius ad aliquem per-*

inuerit. Ait Anonymus hoc videri contrarium axiomati suprà à se tradito quod mare iure naturali est omnibus commune, ideoque non potest alicuius proprium fieri. Nos dicimus nullam esse contrarietatem, cùm dicitur ea, quæ iure naturali cõmunia sunt, iure gentium esse distincta & alia aliorum propria facta. Nõ igitur absurdè dicitur quod commune erat, proprium factum esse: Quædam tamen communia manserunt, vt aër, mare, & litora maris. Sed & horum pars propria facta est: nec tantùm maris, & litorum, vt supra probaui, sed etiam aëris: siquidem dominus soli dicitur esse dominus aëris vsque ad cœlum, vt probat glo. in l. altiùs. C. de seruit.

Addit Anonymus dictum textum esse intelligendum de iure piscandi, aut simili parum damnofo Reipub.
pro

propter maris vastitatem, & quod non est contra publicum commercium. Huic interpretationi repugnat vulgata regula, quod lex generaliter loquens, debet generaliter accipi. l. præses. ff. de offic. præsid. cum concor. Nec ad rem facit, quod in l. præced. agitur de iure piscandi; quia illa lex est Vlpiani, hæc est Pauli, & si placeat hanc illi adiungere, secundum aliam regulam continuatio debet fieri ad proximum. l. 2. ff. de sta. homi. in postremis autem verbis legis præcedentis Vlpianus locutus est de lacu, qui est in privato alicuius dominio: Ergo similiter Paulus loquitur de parte maris, quæ est in alicuius dominio. Illud igitur mare proprium eius est. Neque hoc est absurdum; sicut enim litus, quod est commune, occupanti conceditur. l. 6. in pr. D. de rer. diuis. ita etiam mare eadem

ratione. Ceterum non negamus, cum d. lex sanè. loquatur de hominibus priuatis, & de causa priuata, vt in textu expressè dicitur, non posse ita occupari in præiudiciu publici cōmercij, sed alia ratio est principum, qui commercium cum non subditis pro libitu vel admittunt, vel repudiant, vel limitant, vt l. 2. l. mercatores. & l. ult. C. de commerc. & mercatorib. Nota est lex *ξενιλασίας*, qua hodie quoque Chinenfes vtuntur.

Idem dicendum ad l. si quisquam. D. de diuers. temp. præscript. vbi Anonymus notat verbum *diuerticulum*, & ait non posse aliquid fieri in præiudiciu publicæ nauigationis, quæ omnibus patere debet, l. 1. D. de fluminib. Nos dicimus nauigationem nō posse impediri per aliquem priuatum, vt d. l. posse tamen per principem, qui habet regalia, vt notat

tat Straccha. de nauigat.num.6.

Post hæc Anonymus sic argumentatus: Imponent seruitutem mari, tantum se & heredes suos obligat vi contractus. l. venditor. D. com. prædior. atqui regnum Neapolitanum non defertur iure hereditario, sed ex pacto & prouidentia, secundum Bal. in auth. post fratres. C. de legit. heredib. ergo siue pater hanc seruitutem Venetis concesserit, siue Veneti contra patrem vsurpauerint, hodie filius regnans potest iurisdictionem in mari auferre, & Venetis resistere. Respondeo primò Anonymum in hoc argumento falsum supponere, quòd iurisdictionis maris Hadriatici pertinuerit ad regem Neapolitanum, & ei per Dominos Venetos adempta fuerit. Respondeo secundò, quod dicitur de heredibus, passim in iure intelligi de omnibus

ſucceſſoribus vniuerſalibus: quia loco heredum habentur vt bonorum poſſeſſores l.2.D.de bonor. poſſeſſ. & fidei commiſſarij vniuerſales. §. reſtituta. Inſtit. cod. tit. Vnde nihil referre videtur, vtrum iure hereditario, an ex pacto & prouidentia rex Neapolitanus ſucceſſerit. Omitto, quòd hæc feudi diuiſio in hereditarium & ex pacto & prouidentia ab alijs aliter accipitur, & à quibuſdam omnino reprobat, vt à Fachinæo lib. 7. controuerſ. ca. 3. Omitto etiam, quòd Bal. d. auth. poſt fratres. de hac re nihil dicit.

Deinde opponit, quod ait glo. in d. l. venditor. in ver. ſuccedentium, conſeſſione aut præſcriptione rerum publicarum non poſſe communem uſum impediri: & ſubiicit eiſdem gloſſæ verba iſta, *Si cōcedo tibi ſeruitutem, per quam publicus uſus non impeditur,*

tur, tunc ego saltem & heredes mei tenemur non contradicere. Et addit alium textum probare pacta de rebus publicis non ligare. l. iurifgentium. §. si paciscar. D. de pact. unde colligit Venetos aut Genuenses non posse publicum commercium impedire. Audi Anonyme: ego & tu (nam de me & te glossa à te allegata loquitur) non sumus principes, sed homines priuati. de me scio: de te credo. Accurs. & dicti textus loquuntur de personis priuatis, quæ nec possunt iuri publico derogare, nec iurisdictionem in mari præscribere. Sed supremos principes hæc posse certissima & receptissima Doctorum sententia est. argumentum autem à priuatis ad principes, id est à minori ad maius, negatiuè non concludit. Idcirco glo. in d. l. venditor. in ver. priuata. quam Doctores sequuntur, rectè notat,

quamuis seruitus inari priuata lege, id est pacto imponi non possit à principe tamen posse.

Idem dico de sequenti argumento, Ire per loca publica, & similia, sunt merè facultatis, nec possunt præscribi. Hoc quoque pertinet ad ius priuatum. Singuli possunt ire per vias publicas, non iure præscriptionis, sed iure communi, quia viarum vsus publicè patet. Hoc ad propositam quæstionem nihil facit.

Tandem Anonymus ait eorum, quæ sunt iurifgentium, nō dari præscriptionem, sed ea acquiri consuetudine, secundum Bart. in l. quo minus. D. de flumin. Hanc differentiam ordinariè notari à Doctoribus præsertim à Balb. de præscriptionib. 2. par. quartæ partis prin. quæst. 6. dicente consuetudine respublicas fieri proprias sine damno vniuersitatis;

præ

præscriptione autem aliquem acquirere id quo alterum priuauit. Hic noto primò Bart. d. loco non id dicere, ad quod probandum allegatus est: sed, ea quæ sunt iuris gentium, acquiri statim per occupationem, veluti si quis in mari aut litore maris ædificet. Noto secundò alias quoque differentias à Doctoribus poni inter præscriptionem & consuetudinem, vt videre est apud auctores suprà citatos.

Nihilominùs tamen hæc vocabula sæpe confunduntur; vt suprà ostēdi. Noto tertio ad id quod Anonymus hoc loco probandum sibi proponit, nihil referre, vtrùm vocetur consuetudo, an præscriptio: quia certum est vtramque requirere continuam, non interruptam possessionem: Quod autem talis non fuerit Dominorum Venetorum possessio

niti

nititur probare; quia sæpe classis Regis Neapolitani per mare Hadriaticum transiit, ut ait historicos quosdam dicere, non facta mentione consensu vel dissensu Venetorum. Respondedo argumentum ab auctoritate negatiue conceptum non valere: nam multa aliqui historici omitunt, quæ alij tradunt, quod & in ipsis Euangelistis obseruare licet: Si igitur historici ab Anonymo citati hoc omittunt: aliæ historiæ docent consensum Illustrissimorum Dominorum Venetorum ab aliis principibus classem per mare Hadriaticum dirigere volentibus fuisse sæpius requisitum, ut euidenter probat Chizzola apud Minuccium loco supra citato.

Ex dictis concludo iurisdictionem seu dominium vniuersale in mari Hadriatico omninò pertinere ad Serenissimum dominium Ve-

netum

netum : & quidem κατ'ἀλήθειαν per
 eius occupationem , καὶ δεξάν longa
 cōsuetudine seu præscriptione tem-
 poris, cuius initij memoria non ex-
 tat : eiusque dominij effectus esse,
 quos suprà retuli,

F I N I S.



IVLII PACII IN
VENETIARVM laudem

EPIGRAMMATA.

I.

L Atona excipiens geminum vetus insula
partum,
Fluctibus & vento est pulsa, repulsa diu.
Vrbs procul à pelago, septem quæ continet arces,
Condita quo primùm est tempore, firma fuit.
Hadriacis verò, potuit, quæ regnat in undis,
Non concussa umquàm, ponere iura mari.
Ergo vrbs, seu potius dicenda est insula, certè
In terra atque salo non habet iila parem.

EIVSDEM.

II.

E Xstructas Babylon turres, & mœnia iactat,
Sparta viros præsert, militiæque decus.
Legibus, atque armis, populos atque arte gerèdi
Produxit vires Martia Roma suas.
At V E N E T A M pietas super omnes extulit
vrbes:
Quippe Dei templum est : oppida sunt reli-
quæ,

PERMISSION.

IE consens pour le Roy, l'Impression du
present liure estre fait par Sieur BAR-
THELEMY VINCENT Marchant
Libraire de ceste ville de Lyon, & def-
fences faictes à tous autres de l'imprimer
sur le requis de droit. Faict à Lyon ce
19. lanuier. 1619.

BOVILLOVD.

IL est permis d'imprimer ce pre-
sent liure aux deffences requises.
Faict ce 22. lanuier 1619.

SEVE Lieutenant general,

BREF DE PRIVILEGE.

PAr grace & Privilege du tres-Chrestien Roy de France & de Navarre, il est deffendu à toutes personnes, d'Imprimer, vendre, distribuer, ny tenir le liure intitulé *I V L I I P A C I I à Beriga de Dominio maris Hadriatici disceptatio*, d'autre impression que celle qui aura esté faiçte par le vouloir & consentement dudit sieur PACIVS, & ce pour le temps de dix ans, à commencer depuis le iour qu'il sera acheué d'imprimer, à peine de confiscation des exemplaires, dommages & interets, & autres peines portees par iceluy, nonobstant oppositions ou appellations quelconques, & lettres à ce contraire. Donné à Paris, & deüement scellé les iours & an y contenus.

Signé L O V Y S.

Et plus bas C H A L O P I N.

Ledit sieur PACIVS a cedé & transporté au sieur B A R T H E L E M Y V I N C E N T le susdict Privilege, ainsi qu'appert par acte du septeisme Feurier 1619.

ANT 1219828







